

IOANNIS

DANTISCI REGIS POLO.
niæ Oratoris, ad Clem. VII. Pont. Max. & Ca
rolum. V. Imp. Aug. de nostrorum temporum
calamitatibus SYLVA, Bononiæ ædita.

IX. Decemb. M. D. XXIX.

IOANNIS SECVNDI HA.

giën. de Pace dudum Cameraci confe.

cta, ac Caroli. V. Imp. corona.

tionē, Carmina.



ANG. ANDREÆ RESENDII

Lusitani, Encomium vrbs & aca
demie Louanienfis.

AD LECTOREM.

Quum noua delectent, noua Lector Sarmati uates

Edidit in Latio carmina, nonne placent ?

Si re non alia, placeant nouitate, quod ante

In Latio Vates sarmata rarus erat.

Naso Tomitanas quondam datus exul ad oras

Edidit Gethice, Sarmaticeq; loqui.

Hesperice sic forte loqui, dum missus utraq;

Hesperiam peragro, me didicisse puta.

Si quid inest igitur, tersumue, minus ue politum,

Hanc ueniam iusta cum ratione dabis.

Extorsit faciles numeros miserabile tempus,

Quo tanto rerum turbine cuncta fluunt.

Si de Castalio non spirant fonte liquores,

Nec redolent Phœbum, Pieridumue choros

Ne contemne tamen, sed rem perpende legendo,]

Quum sensum teneas: nil ego uerba moror.

Grande Sophocleao quicumq; poema cothurno
 Concipit, Heroum gesta superba canit.
 Exornat claris sua carmina celsa triumphis:
 Hippocrenæis tingit & illa uadis.
 Tempora materiam fœlicem lata ministrant,
 Vatis & ingenio carbasa plena ferunt.
 Hac mihi sed misera sub tempestate uolenti
 Scribere, se tristes exhibuere modi.
 Scq; mihi sparsis offert Elegia capillis,
 Et mœsto quæstus mittit ab ore graues.
 Omnia plena metus, horroris & omnia plena,
 His lachrymans numeris præcinit imparibus
 His uos ô Clemens, & Carole, lumina prima
 Vos duo compello: sub quibus orbis agit,
 Fas mihi sit uenia cum uestra pauca profari:
 Tempora quæ pro re dicere nostra iubent.
 Ipse licet taceam, non res afflictæ tacebit:
 Quæ Christi passim grex, & ouile perit.
 Crimina quandoquidem meruerunt nostra malorum
 Hanc Lernam, nobis monstra tot unde nocent.
 Pestis, bella, fames, incendia, præda, rapinæ:
 Inficiunt nostro quicquid in orbe manet.
 Pax & Amor, Virtus, & Honesti recta cupido:
 Cumq; Pudore Fides turpiter acta tacent.

S Y L V A .

Relligio, Pietas, Timor, & reuerentia Diuum:
 Inter mortales uix manet ulla magis.
 Succreūere dolus, liuor, priuata similtas,
 Fraus, odium, rabies, ira, libido, furor,
 Scditio, uis, insidia, corruptio legum,
 Impietas, superum peneq; nullus honor.
 Hinc male quū regitur, plebs percita frena remordet
 Cœpit, & in Reges non semel arma suos.
 Non opus est cades, & prælia dira referre,
 Testis adhuc Rhenus, testis Iberus erit.
 Fastus, auaritiæq; lues, insanæq; multos
 Ambitio, contra fasq; piūq; rapit.
 Ex his tot casus: & mille pericula rerum
 Proueniunt, hæc sunt ad mala multa Duces.
 Oppida magna sub his: & regna perire uidemus,
 Ruræq; multa suis orba iacere satis.
 Non tamen erigimur: nec adhuc grauiora timemus,
 Quæ dabit offensi plaga futura Dei.
 Hunc pauci metuunt, & amant, uix unus & alter:
 Qui nunc Europes sub regione sumus.
 Hinc sunt tot sectæ, quas hæresis atra notauit,
 Per quas Christicolis magna ruina uenit.
 Fit minor assidue fidei Respublica nostræ
 Quod quo deberet lumine, nemo uidet.
 Prætereo priscis quæ sunt amissa diebus,
 Quum Christi clarum nomen ubiq; fuit.

Quanto

SYLVA

Quandoquidem tunc in terram transluerat omnem,
Quod nunc in nostro noscitur orbe parum.

Hic ego non urbes Asiae, nec perditæ regna
Commemoro, nostris nunc inimica sacris.

Nec Libyæ gentes, pietatis iura professas,
Quas modo Mahometi possidet atra lues.

Caucaseos populos, & castria litora linquo.
Quæ tenuit nostræ religionis amor.

Aut quos Amurathes, quos aut Payzetus adegit,
Sanctam baptismi linquere fontis aquam.

Ad nostros uenio, quos si reputabimus annos,
Emittent lachrymas saxea corda pias.

Græcia sub patrum nostrorum tempore uicta,
Turcatco seruit, subdita facta, iugo.

Quis posset paucis, tot bella cruenta referre,
In quibus ex nostris millia multa iacent.

Vt mittam reliquos, quorum non parua caterua
Sub signo fertur succubuisse crucis.

Quem non commoueat clades Varnensis, in illa,
Ille mei Regis patruus occubuit.

Ladislaus
Vngariæ &
Poloniæ rex

Hinc Bizantina tot cædibus Vrbe subacta,
Turcarum uis est semper adaucta magis.

Auxit & hostilem discordia nostra furorem,
Ad nos a Syrtis quem procul egit agris.

Cum Persis, & cum, quæ bella fuere, Sabæis,
Aut cum Niliacis, sat puto nota, uiris.

S Y L V A .

His, quum sciretur nos dissentire, relictis,
 In nos armorum uis ea mota fuit.
 Collectis igitur non paruis ultribus hostes.
 In ripis Histri continuere pedem.
 Et prope Taururum, Belgradum quod modo dicunt,
 Fixerunt certis plurima castra, locis.
 Sulphureo Tonitru manibus formata Cyclopum
 Proiecit crebros area canna globos.
 Oppugnabantur confractis moenia muris:
 Mansit & intactum, quod potuere, nihil.
 Arx in Pannonicis non est munitior oris:
 Inter uasta duo flumina septa iacet.
 Vnam Danubius partem, reliquam celer ambit
 Sauus, ubi fluuiio cum potiore colit.
 Hac contra Turcas inuicta manere solebat.
 Abstulit his uno millia multa die.
 Qua dere furor hostilis: tum fortiter acri
 Cum studio, ceptum continuauit opus.
 Suppetias tandem fessis quum nemo ferebat,
 Arx fuit hostili capta subinde manu.
 Eloquar? an fileam? nobis stertentibus inq̃
 Nostra ceperunt ex ditione Rhodum.
 Clara Rhodus fuerat seps: qua trux dente Lycaon
 Non poterat Christi semper obesse gregi.
 Hac modo perfracta, penetr alia tentat ouilis,
 Quod nisi sit qui defendat: & huius erit.

Nos

S Y L V A.

Nos intestinis nihilominus omnia bellis
 Mischimus, nec adhuc exitus inde datur.
 Hostibus hinc animus, grandisq; potentia creuit,
 Climata qua mundi iam potiora tenent.
 His neq; contenti, quod adhuc superesse uidetur,
 Donec in hac stamus seditione, petunt.
 Vtraq; iam pridem quum Mysia pareat illis,
 Vicinisq; uolunt imperitare locis.
 Ingens Sarmatiae tentarunt subdere Regnum,
 Afflictum toties quod fuit ante satis.
 Vasta iacent: quondam fecunda Podolica rura,
 Quae fuerant Siculis fertiliora iugis.
 Magnanimis haec quum suberant integra Polonis,
 Suppetias & opes hinc habuere suas.
 Terra ferax Cereris, pecoris, nutritrix & equorum
 Praepetium, genitrix belligerumq; uirum,
 Nunc deserta perit, paucis habitata Colonis,
 Hostibus & cunctis peruia facta patet.
 Huc ab Hyperboreis gens barbara confluit oris:
 Et quae Riphæa sub niue dura riget.
 Huc simul Euxini proficiscitur accola ponti:
 Cum trucibus Bessis: gens truculenta Getæ.
 Tartaricis dedit his populis puto nomina Pluto,
 Per quos iam teritur Sarmatis ora diu. (uis
 Dalmata, Thrax, Macedo, Lacedaemō, Phryx et Achæ.
 Qui Turcæ nostro tempore nomen habent.

Sarmatia
 quæ huc
 Polonia

S Y L V A

Huc etiam, quum sint vicini, sepius intrant;
 Et desolarunt quicquid ubiq; fuit.
 Hinc nuper fines bis uastauere Polonos,
 Annus quum nondum rite peractus erat.
 Oppida cum pagis crudeliter igne cremarunt,
 Mactantes cunctos qui remuere capi.
 Post captiuorum densas duxere cateruas,
 Quorum Myriades tres numerasse ferunt,
 His inerant pueri, iuuenes, teneraq; puellæ,
 Matronæ tremulæ, decrepitiq; senes.
 Res miseranda quidem, succurrere nemo ualebat,
 In subditis fieri casibus ista solent.
 Ut cursu uenere cito, rediere, statimq;
 Dispersus cogi Miles ad arma nequit.
 Hoc ita uictores uno facti bis in anno,
 Sic ad Threicias bis rediere domos.
 Et sibi quos dicunt hoc nostro tempore Moscos,
 Fœdere iunxerunt, terribilesq; Scythas.
 Qui gelidum Tanaim, uasti; Borysthenis undas,
 Quiq; uel ex rapido Phasidis amne bibunt.
 Quicquid est hoïum quibus induit tartara nomen
 In nos cœperunt hostica signa sequi.
 Quod rex Sarmatiæ, quo nec pietate, nec armis
 Clarior expendens, arma parare iubet.
 Sed quum se uidit tot cingier hostibus impar,
 Noluit ancipitem Martis inire uiam.

S Y L V A

Subsidiū prius, at nā quicquam sēpe petiuit.
 Hinc ter in Hesperia posteriore fuit.
 Quum tamen his bellis nunc Gallus, nunc & Iberus
 Ferueret, & Latiae diriperentur opes.
 Nec foret auxilii spes ulla, sed acrius inter
 Christicolās rabies cresceret illa magis.
 Ne temere bellum gereret tot solus in hostes:
 Et seram uictus quereret exul opem.
 Tractauit potius certam pro tempore pacem,
 Quam sub præscripta conditione tenet.
 Huic paci uoluit Rex prudens iungere Regem,
 Qui tenera rexit tunc duo sceptrā manu.
 Hurcū suū monuit toties ex fratre Nepotem,
 Posceret ut tanto pacis ab hoste modum.
 Consilio tamen Hunnorum parere superbo
 Maluit, hoc fretus, ductus ad arma fuit.
 Hoc infelicem conflictum fretus iniuit
 Inq; iuuentutis flore cadens periit.
 Sic fuit in fatis, quæ non uitantur ab ullo,
 Præterit nemo quem statuere diem.
 Quam misera fuit tum cædes Rege perempto
 Quum sit nota, uetat commemorare dolor.
 Tot proceres, sacriq; patres, quos in sula textit.
 Pugnantes, diræ succubuerē neci.
 Tunc nihil in uictos crudelis uictor omisit
 Quod suasit rabies, impetus, ira, furor.

Ludouicus
 Vngariæ &
 Boemig rex

S Y L V A

Grassatum fuerat per rura, per oppida passim,
 Incensæq; domus pauperis agricolæ,
 Buda caput regni direpta, cremataq; tota:
 Parsum structuris sed tamen arcis erat.
 At prius euersum Varadinum nobile castrum
 Cum reliquis: quæ non enumerare uacat.
 Transeo quæ fuerat per Turcas ædita strages
 In plebem, uel quot diruta templa iacent.
 Milia quotue hominū fuerant abducta per Histrum,
 Tendentes uinctas, mente sub astra, manus.
 Collachrymare libet, plorantem cernere turbam
 Me reor, ut durum fertur in exilium.
 Perculerant tamen ista parum nos ore professos
 Christum, quem raro pectora nostra colunt.
 Inde sed irrepsit regnandi dira cupido,
 Pannonia motus dans in utraq; nouos.
 Qui nuper totum traxere in prælia mundum:
 Quorum tam subito, non puto, finis erit.
 O miseram, nostro male quo sic uiuitur æuo
 Pannoniam, cunctis quæ data præda genus.
 Hoc quod atrox hostis fecit, facit hoc & amicus,
 Ex omni misere sic modo parte ruis.
 Quos tu fecisti: te diripit impia Regum
 Ambitio, quorum sæua per arma peris.
 Tertius accessit, qui prælia tanta diremit,
 Et trux hostibus his, hostis, utrisq; nocet.

Obsedit

S Y L V A

Obsedit pulchram: multa cum gente, Vliennam,
 Austriacos late depopulatus agros.
 Ante sed a uictis, ui sceptrum ceperat Hunnis:
 Quos nunc omnimoda sub ditione premit.
 Equauitq; solo Budam: deiecit & arcem:
 Liquerat intactam quam pietate prius.
 Occidit tamen hic omnes quos uiuere nouit,
 Dicitur in multis hocq; patrasse locis.
 Non ætas pueris, sexus, nec forma puellis
 Profuit, hostili quin caderent gladio.
 Sacra, sacerdotes, ædes, diuumiq; figuræ:
 Quicquid ibi nostræ religionis erat
 Interiere simul Regno cum Rege subactio
 Quem uictor dederat: unde tributa capit.
 Ad præsens hyberna sua cum gente petiuit:
 Non procul a nobis tempore Veris erit,
 Præfidiis abiit siquidem per castra relictis:
 Quo cum maiori ui remeare queat.
 Hæc reputa laceri Clemens bone pastor Ouilis,
 Qui nunc cum magno Cæsare iunctus ades.
 Hæc perpende precor: demittas cor & in altum:
 Nam res officio conuenit ista tuo.
 Ex animis Regum contracti tolle uicissim
 Si quid adhuc odii: q; reor, intus habent.
 Corruptasq; nouo repara munimine caulas,
 Et duc palantes ad sata lata greges.

Ad Pœtissimum.

Non lu

S Y L V A

Non Lupus est tanti: modo sit gregis una uoluntas,
Incidet in casses bestia crassa tuos.

Non desunt uires, animus nec ad ista profecto
Pontifici tanto dignus abesse potest.

Sit licet attritum Latium per bella, luesq;
Succreuit pubes Itala multa tamen.

Hæc cum magnanimis belli ductoribus ibit,
Quos tibi, si queres, Ausonis ora dabit.

Euganeosq; patres, terraq; mariq; potentes,
Pace prius facta, sub tua signa trahes.

Magna dabit sæui Germania robora Martis,
Quæ generat pronos semper ad arma uiros.

Hoc etiam faciet florens Hispania, clavis
Militibus, quos hæc bellica mater alit.

Et cataphractorum tibi mittit Gallia turmas,
Irarum fertur iam posuisse minas.

Arcubus extensis, opulenta Britannia, multos
Sponte uiros, ad tam nobile mittet opus.

Proceris Phrysi iungent sua castra Bathauls,
Belgarum ducet quos galeata cohors.

Scotus & arma feret: cum Cimbro Danus, & hii qui
Ad mare concretum iugera rara colunt.

Hunnius & oppressus duce te sua tela resumet
Inq; sui Regis iura redire uolet.

Accurrent fortes infracto corde Boemi,
Et prope quæ gentes regna propinqua tenent.

Non

S I L V A

Non deerit bellax tibi Sarmata, trux & Alanus,
 In leuibus pugnans nec lituanus equis.
 Hii iam cum Moscis toties, Dacisq;, Scythisq;,
 Cum Turcis etiam conseruere manus.
 Isti nunc Regis Sigismundi iussa sequuntur,
 Quo nullum, qui te plus ueneretur: habes.
 Nil aliud petit hic, nihil est quod crebrius optet
 Inter oues q̄ q; mens foret una tuas.
 Quodq; sub unanimi consensu pectora Regum
 In crucis ofores conciliata forent.
 Hoc si perficies: nil pax remorabitur illum
 Turcica: rescindi, sit pia causa, potest.
 In longum non est tempus confecta, priusq;
 Ibimus in Turcas, desinet illa prior.
 Fac modo Christicolæ concordēs arma capeffant
 In Bizantinis bella gerantur agris.
 Gentibus instructi sint terra, per freta: classe.
 Victum cum neruo sufficiente ferant.
 Bosphorus in primis capiatur Thracius, & sic
 Hostibus oclusis impediatur iter.
 Hoc non unius bellum præsumitur anni,
 Si debet iusta sedulitate geri.
 Quod postq̄ fiet, Rex Sarmata pacta remittet,
 Sponteq; cum reliquis Regibus hostis erit.
 Interea sed quum nihil in commune moueri
 Sentit, uult pacis commoditate frui.

Sigismundus
 huius nomi
 nis primus
 Rex Polo
 niae &c.

Nec se

S Y L V A

Nec se cum Regnis: quum nemo iuuare procurat,
 Perdere, solus enim ferre tot arma nequit.
 Iam licet a Turcis sit tutus, gens tamen illi
 Taurica cum sociis: nescia pacis: obest.
 Hæc uenit a tumidis toties Mæotidis undis:
 Et magno numero plurima damna facit.
 Et quamuis aliquando fera cum gente pacisci
 Cogitur, obseruat non tamen illa fidem.
 Hinc conductitio fines custode tuetur:
 Et turmas Equitum semper in ære fouet.
 Sic infestatur crebris incursumibus: unde
 Tempora securæ pauca quietis habet.
 Nullius auxilium tamen unquam sensit: & hostes
 Numinis innumeros sæpe cecidit ope.
 Regibus hinc prestat multis: prudentia & annis
 Vsu quam longo tempora ferre solent.
 Indeque præteritam præuiderat ante ruinam:
 Et nisi succurras: iam grauiora: uidet.
 Quare per Christi tibi uiscera supplicat, orbi
 Vt modo languenti: pharmaca tuta, pares.
 Nec mora te tardet: iam limina possidet hostis:
 Si non obstitet, in penetrabile ruet.
 Diuersas igitur mentes, odiisque uicissim
 Flagrantes, certo pacis amore foue.
 Et reminiscaris: quæ pacis amator: & auctor
 Te Deus in terras, hac ratione dedit.

Si quid

SYLVA

Si quid restat adhuc irarum: bella q̄ ista:
 Tempora uel quod idem prisca dedere tibi.
 Si quid Gallus adhuc contra prætendit Iberum,
 Si quid in hos læsus forte Britannus habet.
 Si quid inest aliis ueterisue, nouiue furoris,
 Quo iacuit res, heu, publica pressa diu.
 Tu pater in natos Clemensq; piusq; resoluē,
 Et sic concordēs duc ad ouile tuum
 Cæsar adest præsto, propere, quo iusseris, ibit,
 Ante tuos & ob id procidit ille pedes.
 Hesperiamq; suam linquens, trahit ad istam,
 Ut ueniens faceret quæ tibi grata forent.
 Hoc etiam reliqui facient ex ordine Reges,
 Tu modo ne dubita, promere signa iube.
 Cæsaris imperii sacra tempora cinge Corona,
 Quod si fit, refert, hic uel in urbe, parum.
 Tu tecum Romam, non te fert illa q̄ aiunt
 Esseq; dicitur hæc, hic ubi Papa manet.
 Acrior hinc fiet: Diademate fretus, in hostes,
 Quo debetur ei, Turca quod omne tenet.
 Conatus adeo sanctos successibus auge,
 Ut ceptum feruens aggrediatur opus.
 Quod si perueniet Germanas fosses ad oras.
 Nullus ibi, qui non sponte sequatur, erit.
 Hostis ad Euphratis fugiet procul hostia magni,
 Cum Græcis rursum Thrax sacra nostra colet.

Si teo

S Y L V A

Si tecum retro Tyberis transibit ad undas,
 Hinc & ad Hispanos per mare carpet iter.
 Hostis ad Eridanum furiosa mente feretur,
 Et sua firmabit, fors in Vrbe sacra.
 Hæc prohibere potes, dum tempus, & integra re est
 Vix unq̃ posthac copia talis erit.
 Hoc etiam quum iam cognoscas inclyte Cæsar
 Ut bene perpendas, te tua iura monent.
 Incultis igitur numeris innixa, seorsum
 Ad te contendit flens Elegia loqui
 Da ueniam, durum est feruente dolore tacere,
 Afflicto cordi quem bona causa facit.
 Vera loquar, ter namq; tua uersatus in aula,
 Nunc hic, Sarmatico missus ab orbe, uagor.
 Per mare, per terras, a Gadibus actus ad Eurum,
 Te comitatus ad hoc sum procul usq; solum.
 Hic ubi sublimi populosa Bononia turri,
 Iuncta suo Rheno, tollit ad astra caput.
 Venimus huc, & iam bis cursum luna peregit,
 In Turcas sed adhuc nulla statuta liquent.
 Et quamuis iusto premitur Florentia bello:
 Non minus in Turcas res ea digna foret.
 Austriacis nuper dum grassarentur in oris,
 Multa ferebantur, quæ modo muta, silent.
 Ex te q̃ subito natus calor iste refrixit:
 Effectus causa deficiente, docet.

Non ta

S Y L V A V I V S

Non tamen ergo puta casos, uel forte fugatos:

Dicuntur subito q̄ retulisse pedem.

Et q̄ quassatam propere liquere Viennam,

Innumeros quæ tot pertulit læta globos.

O utinam non sit quod opinor, Vere redibunt,

Hic reditus magni causa timoris erit.

Aspera q̄primam sua frigora Bruma remittet

Quumq̄ suum quæret, Dauias ales Itim

Mox ex hybernis, quo concessere reuersi:

Reliquias alia commoditate petent.

Iam didicere, prius quod forsitan defuit illis:

Concita quid nostri militis arma ualent.

Et quibus illa modis tractent, illisq̄ fruuntur:

Ordine quo pedites in statione manent.

Impetè quodq̄ solent extra procurrere uallum:

Et qua defendunt, mœnia fracta, manu.

Quid ueles possit, quid eques grauis arma ferendo

Quo ue struant acies, insidiasue modo.

Hæc quum iam nōscant, ex omni parte cauebunt

Aptius ad pugnam seq̄ parare scient.

Nascitur ex usu rerum prudentia maior

Non pallet uisus nauta probatus, aquls.

Nec metuit Vulpes, quæ uidit sæpe Leonem:

Ad notosq̄ canes non timet ire Lupus.

Præsertim quos affecit formidine quondam

In tales uersus plus feritatis habet.

S Y L V A

Quam tuus impigre miles delecerit hostem
 Libera iam tandem facta Vienna probat
 Intrepidi quicunq; uiri pro mœnibus illis
 Stabant, sunt omni laudis honore pares.
 Non tamen hostilis uis inde repressa tepest:
 Sed uereor ne sit forsitan aucta magis.
 Abduxere tuos populos a finibus Aeni,
 Qua magis alpinas respicit ille niues.
 His coniunxerunt habitantes undiq; pagos
 Austriacos, quos mox igne cremasse ferunt
 Hunniacas & opes multa cum gente tulerunt,
 Pro qua uis auri plurima cadet eis
 Sic dites spoliis redierunt nuper optimis:
 Thracius hinc in nos scutor Isthmus erit.
 Si pro Vere nouo, quod opinor forte redibunt.
 Maior erit numerus q̄ fuit iste prior.
 Aduentent magna prædæ dulcedine capti:
 Ex Asia uastis, ex Libyæq; iugis.
 Iam sibi promittunt Europæ totius orbem,
 Quem nisi defendas, quod petiere, ferent.
 Interea quo ceperunt Taururica castra
 Et quo phœbæam corripuere Rhodum.
 Non poteris aliis bellis intentus adesse,
 Quum te uicinus traxit ad arma furor.
 Is pacem tandem sopitus, fecit, & hostes
 Fœdus amicitie iussit inire tuæ.

Hec

S Y L V A

Hæc pax te Lactas properantem duxit ad urbes
 Ad quam iampridem mens tibi prona fuit.
 Vtq; tuos faceres inimicos rursus amicos,
 Nil non tentasti quod rationis erat.
 Hoc quum successit, nec te vitina morentur
 Bella magis, quæ sunt iam potiora, uide.
 Turcarum rabies quo tandem, prospice, tendat
 Quæ sic quotidie crescit, & aucta uiget.
 Quam sit in angustis hic nunc perpendito rebus,
 Quem tibi germanum fecit uterq; parens
 Huc nisi succurras, per te neglecta peribit.
 Austria, qua generis creuit origo tui.
 Latius hocq; malum serpet, uix Rhenus idipsum
 Sistet, uel rapidis Albula priscus aquis.
 Hæc ne proueniant, o Cæsar cum patre sancto,
 Prouideas, spectant uos, mala nostra, duos.
 Componas laceras modo temporis huius habenas,
 Contineasq; tua, lora remissa manu.
 Suscipe quod Diadema tibi debetur, & Urbem
 Ne cures, Urbs est Felsina clara satis.
 Rex quum Romanus non uisa diceris esse,
 Roma, cur non sic Cæsar & esse potes.
 Te modo fac propere Germanas confer ad oras,
 Hostibus ut possis arma mouere Cruch.
 Nam tua res agitur, domus ardet propria, quam si
 Liqueris ardentem, quid nisi pulvis erit.

Ferd. Vng.
 & Sic Rex.

S Y L V A

Tolle moras igitur, nec enim sine numine Divum
 In Latium ductus, tempus ad istud ades.
 Te Deus æternus teneris protexit ab annis
 Inq; tuos hostes præula signa tulit.
 Et pro te pugnans, te fecit in orbe Monarcham:
 Imperiūq; dedit, sceptræ chorusq; tibi.
 Quod, præter reliquas uirtutes quas geris, ingens
 Promeruit sanctæ religionis Amor.
 Victrices Aquilas Christo duce profer in hostes
 Ille tuis ceptis, uela secunda, dabit.
 Nec deerit Clemens, qui te quo cæpit amore,
 Prosequitur patrio, cuius id acta docent.
 Clarius hoc etiam doctura, tuuabit euntem:
 Aere sacro, fusa perq; sacella prece,
 Accedent alii Reges tibi sanguine iuncti
 Et iunctos quos ex fœdere nuper habes.
 Fœdera sed toties infecta, refectaq; rursum
 Me terrent, nec enim suspitione carent.
 In miserum sumus impacti, quod uiuimus æuum
 In quo rara Auis est, inuiolata fides.
 Tu tamen in superos, qui spem non ponis inanem.
 Vtere propositi dexteritate tui.
 Scis quibus ante modis, desertis sit tibi pactis
 Impositum, simili cautus ab arte caue.
 Sunt consultores tibi, per quos omnia tractas:
 Magna præstantes integritate uirt.

HORATI

S Y L V A

Horum consilio. si quis latet Anguis in herba:
 Retia uel fuerint si tibi structa, scies.
 Quicquid id est, superi quum te cepere regendum
 Insidiis poterit nemo nocere tibi.
 His Ducibus, contra te nulla ualebit aperta
 Hostilis feritas: sed tibi terga dabit.
 Non te detineat & Iberia tam procul abstet:
 Quodq; tuum reditum, uota per ampla, petat.
 Te poterit leuius nunc, q̃ prius illa carere:
 Quum natos habeat, pignora chara, duos.
 Hos Deus ergo tibi ulridi concessit in euo:
 Ut per te rabidi frangeret ora Lupi.
 Te, nostris lachrymis tandem permotus, adegit
 Traicere indomiti per uada salsa freti.
 Hæc tibi de summo mens indita uenit Olympo:
 Vnde nihil frustra pectora nostra subit.
 Hinc ita firmatus recutitos ibis in hostes,
 In multis statues, clara trophæa locis.
 I decus, i nostri spes orbis maxime Cæsar
 Quo tempus, quo res, & pia fata uocant.
 Per te uult orbi Deus altam reddere pacem:
 Quæ iacuit per tot bella sepulta diu.
 Per te uult animos fessos firmare suorum
 Funditus ut pereat gens inimica Cruci.
 Tu propere q̃ cepisti, iam pectore toto
 Perfice, protectus numinis ibis ope.

In Turcas
 adhoratio

Malor

S Y L V A

Maiores agnosce tuos, clarosq; triumphos
 Quos atavi quondam promeruerunt tui.
 Expertare tuam fausto sub sidere sortem:
 Quæ te uictorem sæpe probata facit.
 Et faciet, ceptis ne desis ipse secundis,
 Sub Iouis alitibus, castra tremenda moue.
 Te fœlix fortuna comes, uirtusq; sequentur,
 Orbis & imperium, sub tua iura dabunt.
 Non monitoris egēs, nec opus currentibus esse
 Fertur equis stimulo, tu tibi calcar eris.
 Ibis ad hostiles, Thracum per iugera terras,
 Et Syriæ capies, Regna uetusta sacra.
 Vnde triumphali te nunc Elegeia curru
 Aspiciens, sparsas colliget arte comas.
 Et pede coniuncto Sophoclaum nacta cothurnum:
 Grandiloquis referet tot tua gesta modis.
 Hos modo præcipites numeros ne sperne, q; atrum
 Squalorem uultus temporis huius habent.
 Sarmata uel Latios q; perstrepat inter olores:
 Sub gelido, natus, qua riget ursa, polo.
 Hic ubi Sarmaticum uagus Istula fertur in aquor
 Et tuta portum cum statione beat.
 Nostrarum facies rerum miserranda coegit:
 Ex tristi faciles pectore uersiculos.
 Utq; fluunt subito feruore, feruntur ab ore
 In calamum, neruo uix retinente pedes.

Non sunt

S Y L V A

Non sunt in nonum, flet q̄ debuit, annum

Pressi nec cura cum grauiore dati.

Hoc sit uicturis numeris, quos anxia, multo

Cum studio, uatum sollicitudo premit.

Hii nostri modo conflati, cito claustra relinquunt,

Et leuibus pennis in sua fata uolant.

Tempora noscantur gestis cum rebus in illis:

Et moueant animos, tot mala nostra pios.

Et q̄ per Turcas Regi cecidere Polono,

Hunnorum reges, patruus atq; nepos.

Quodq; per incurfus ex omni parte coactus

Cum Turcis fœdus pacis inire fuit.

Hoc mihi si dederint properantes dicere Musæ:

Non est cur illas plus superesse uelim.

Summa Medusæ non ambio culmina montis

Vngula qua tetigit Bellerophontis equi.

Aonios Latices, quibus est sitis alta: requirant

Me leuis in ualles que fluit unda iuuat.

IOANNIS

SECUNDI HAGIENSIS, DE

Pace dudum Cameraci confecta,

Carmina,

PACI REDVCI.

EN rata magnanimo cum Cesare fœdera Gallo
En per fœmineas fœdera pacta manus.

Dicite iô, iuvenes & iô bis dicite cani,

Et pellat curas fœmina uirq; graues.

I procul obscuras Mars ferreæ Ditis ad umbras,

Aufer & hinc furtas seditiose tuas.

Te Bellona ferox teq; hinc Discordia demens

Proripe, & accensis ira superba genis.

Prodit ab astrifero longe gratissima cœlo,

Laureola placidas PAX redimita comas.

Altera cæruleæ ramum prætendit oliuæ

Effundit fruges altera larga manus.

Sunt comites superos quæ quondam astrea petiuit

Impia sanguinei bella perosa Dei.

Quamq;

Quamq; licet iuste germanam dicere Diuæ
Ab nimis arcani prodiga diua sui.
Incorrupta Fides niueo circumdata panno,
Et uos Pierii turba nouena chori.
Quas inter medius radianti uertice Phœbus,
Increpat argutæ filia sonora lyra.
Hos procul à tergo gressu titubante sequutus,
Mercurio cæcus cum duce Plutus adest.
Ergo age Pauperies cunctorum causa malorum,
Quæ patrare iubet, omnia quæq; pati.
Et suadens mala cuncta, fames, stimosq; Cura,
Luctusq; & tenebris Mors fera cincta nigris.
Ite per extremas gentes, atq; ite per undas,
Nulla ubi q̄ rabidis sint loca trita feris
At uos in falces gladii nunc ite recuruas.
Atq; aciem in flauas uertite frugis opes.
Quiq; prius rigidas clypeus decusserat hastas,
Nunc habilis paleas uentilet ille leues.
Et modo quæ pressit fugientia lancea terga,
Scindito frugiferam uomere aduncus humum.
Quæq; modo hostili tepefacta cruore sagitta est
Missa procul trepidas terreat illa feras.
Vos qui bella prius iuuenes ætate uirentes
Gessistis cruda, sanguinolenta manu.
Pro dura galea roseis ornate corollis
Tempora, pro lituis sumite sinistra manu.

Signentur memori felicia tempora uersu;

Tempora solennes inter habenda dies.

Lux simul & fœlix Augusti quinta res ultis

8529. *Prod iit & populo Pax longa et ultis*

DE CAROLI. V. IMP.

Coronatione.

Adeste magni progenies Iouis
Musæ, potenti carmina Cesari
Cantate quæ fides priorum
Hactenus baud tetigere uatum.

Quæ saxa rursum quæ moueant feræ,
Aquasq; sistant blanda uolubiles,
Quæ mulceant aures concentu,
Omnium ubiq; hominum suauit.

Gaudete Ciues, plaudite plaudite,
Gaudete quotquot terra tenet bonos,
Curasq; tristes atq; acerbos
Pellite pectoribus dolores.

Sumpsit sacro debita uertici
Post tot moras tandem diademata
Ille optimusq; Maximusq;
Ille uigum donaturus orbem.

Erro? an ne uati talia feruido
Sagax futuri Cynthius indicat
Quaecunq; suggeris precamur
Vt fatis rata sint Apollo.

Et noscat ortus, noscat & occidens
Vnum potentem Casara Carolum,
Quo mitius clementiusq;
Nil dederuntue, dabuntue sacra.

Non si recurrant tempora quæ Iouis
Ferunt parentem falciferum senem
Rexisse, cum fides sororq;
Iusta pio superesset orbi.

Ergo querelas ponite lugubres,
Ergo repestum promite cecubum,
Hæc hæc dies hæc est triumphis
Hæc rutilis decoranda flammis.

DYSTICHON.

Carolus ante tuas se xto Grad tue Calendas
Debita sa crate cepit Diademata fronti.

1530.

ANG. AN.

DREÆ RESENDII LVSI.

tani, Encomium vrbis & aca.

demiz Louani.

ensis.

ANG. ANDREAS RESEN.

dus, Conrado Goclenio, viro vno

diquaq; doctiss. S.

AD populum phaleras, tu dictionis com.
pagem & nervos, intus & in cute nouisti
Libellum igitur, si malus est, non laudo, mitto
tamen ad te scholæ nostræ trium linguarū prin.
ceps & ornamentum, quem hisce diebus octo
lectionum intercapedine quasi composui. Nam
quum nil agere non possem, quo animo sum,
moenia Louanij semel atq; iterum circumeunti
capior nanq; solitudine, hæc carmina qualia.
cunq; sunt ceciderunt, encomium vrbis vestræ
Quæris quid velim? vt, si vacat, ad hæc minu
tula

tula descendas, & euellas, destruas, disperdas,
& dissipes, ædifices, & plantes, vt dictum est
illi. Si carmina probabis, hoc ipso efficient vt
a te citra fastidium legantur. Sin minus quo- Hierem. 1.
niam encomij nostri tu quoq; bona pars es, iu-
re meo fecero, si hoc a te exigam, vt vel cum fa-
stidio legas. Si nec id donare vis, at certe iuue-
nitibus tuis qui digitis calleant & aure, syllabam
si qua fefellit, quin pungere liceat, negare non
debes, & lituris castigatum remittere libellum,
vt posthac acerba & inculta carmina di-
scant domi contineri, & donec plu-
teum cadant non exce-
dere, Vale.

Louantij. XVII. Calend. Octob.

M. D.

xxxix.

Attica dum staret uirtus & Cecropi arces
Incoleret Pallas, titulo memorabilis ipso
Hellas, & una magis studiorum nomine terris
se iactans reliquis, ea quos non ipsa tulisset
Barbarie infameis uocitare solebat, & oris
Scabritiem obticiens cunctis, sibi sola placebat.
Sed postquam doctis Latium successit Athenis,

Et,

Et, quam prima notis semigrauiſq; loquellis
 Artis inops docuit Rutulos carmenta, Latinam
 Pauperiem ciuis Rudiarum, & censor honeſti,
 Carmine quiſq; ſuo ditant, barbara quondam
 Et uulgi pars Roma, parem ſermonis adepta
 Palmam, in conſortes uitii iam deniq; culta
 Reiecit crimen. Tandem deuictus ut orbis
 Imperium Romæ ſubiit, prouincia linguam
 Quæq; ſuam oblita, ad Latii decus oris biabat.
 Hinc mea Lucanum, Senecaſ, uatemq; Salonis,
 Ediait Heſperia, Æneadum quiq; arma cothurno
 Perſonat altiloquo, magnum dum ponē Maronem
 Æmulus inſequitur, lingue Fabiumq; Latine
 Grande decus, multum quem nobis inuidet olim
 Roma uirum. & reliquos quorum quoq; notior ipſa
 Quam dici fama indigeat. Clarumq; Terenti
 Nomine nomē habet Libya. Varrone Atacino,
 Auſonioq; ſuo celebrem nec Gallia tantum
 Se putat, Oenotrios quin & græca urbe magiſtra,
 (Urbe fide clara, durus cui præmia longæ
 Cæſar amicitie longe meliora referre
 Debuerat,) miſſos ad ſe docuiſſe colonos
 Commemorat. Rheno deerat quem opponere poſſet
 Exprobratrici Italiae. Germania nanque
 Romanorum armis non tam mollita, ſuperbum
 Excuiſſit ceruice iugum ſæpe. exq; proſeſſo
 Hoſtis, Romanum uſq; adeo nomenq; genusq;
 Oderat

Hora. in ar
 1c. Quā lin
 gua Caronis
 & Enni.

Lucan. 3

Sirab. lib. 4.

Oderat, ut quod erat cunctis pro munere, soli
Germani recipi in ciueis, aut urbe Quirini
Municipes nunquam sese paterentur haberi,
Nedum sermonem acciperent. Posuere ferocem
Paulatim hunc animum, donec uoluentibus annis
Mutandarum author rerum, ceu cunctis uoluitat,
Transtulit imperium tempus, prouinciaq; olim
Nunc fasces, aquilasq; pareis Germanis natis
Edicit Romæ, paribus uictoria satis
Arma mouens, Nequid uero felicibus absit
Auspiciis, Latum decus & quæ sola manebat
Gloria Romulidis, uictoria signa sequuntur.
Sicelidas siquidem medios qui intersecat Albis
Theutonas, agnoscit nymphas. & diues Erasmo
Rhenus, qui gemino Oceani petit æquora cornu
Ceu totum cupiat Bathauæ telluris alumnus
Amplecti, & nulli partem concedat auarus.
Hinc academiæ celebres, hinc magna librorum
Cura typographiæ. quanquam Basilea triumphum
Hunc sibi præripuit, ne cui sua gloria desit.
Ausonis at quamuis, quamuis sit Cecropis una
Pallas ubiq; , tamen semper quia mite Minerva
Prætulit ingenium, domitaniq; illapsus Apollo
Mentem implet, populus musam suscepit utramq;
Mitior urbe sua, qua nunc parili utraq; floret
Numine. Finitimis tellus obuersa Britannis
Quondam incultus ager, syluæ, sterilesq; paludes,
Nunc

Cicero. In ora
tione pro
Cornelio
Balbo

Nunc colitur gentiosa solo, didicere coloni
Arcere oblitibus pontum, compressaq; in alueum
Ad mare præscripto deducere flumina cursu,
Belgæ habitant Gallorum olim gens extima, nuper
Addita Germanis, regniq; in sorte locata
Hæc ubi se regio editior diffundit in arcton
Scaldim inter celeremq; Mosam, posuere minores
Vrbem Louanii, Phœbo, musisq; sacratam
Mollibus in cliuis quæ cœlo exposita sereno
Præcipiti fossa murorumq; incluta flexu
Cingitur oblongo, muris coniungitur alto
Arx munita loco. Vallem subsidit ad unam
Deinde situs, mediamq; secatur sinuosus in anguem
Amnis, opaca inter frondosaq; tesqua domorum
Rara quidem tecta apparent, ueneranda sed ipso
Aspectu, & maiestate incutientia sacram
Religionem animis. Phœbum doctasq; sorores
Agnoscas, uideasq; urbem simul atq; Lycæi
Secessus. Iam quicquid habet decliue Lycæo
Côle utret, lasciuit humus, Cereremq; quotannis
Suppeditat parte hac, illa, placitura secundis
Mensis, Oleniæ nutricis Copia cornu
Pomiferis pleno ramis dependet onusta
Herbida parte alia fontes per prata fluentes
Dina Pales pecori corriuat, ubiq; beata
Ora animum curis fessum demulcet, ubiq;
Ridet, ubiq; placet scilicet nulliq; secundum

Musarum emporium, quaque Germania ab Istro
Clauditur ad Rhenum, uel quâ se Belgica tendit
Per latus Oceani, quoad lungi Sequana Celtis
Diuisor prohibet. Nec iam concedet Achæis
Gymnastis, Latissue, nisi quia tempore in illo.
Non erat. at quamuis Phœbo, musâq; recenti
Nupera sit. tamen assequitur uirtute: quod annis
Iunior ætati tribuit, dum grata priori
Posteritas potius quam præsenti æqua triumpho
Mirari ueteres gaudet. Veterascere & olim
Continget nostris, meriti quoq; gratia factis
Iam priscais. Quanquam quis tam moriente palato
Et penitus fatuo fuerit, uenerande sacerdos
Phœbi, & musarum interpres fidissime cui non
Gocleni ambrosiam sapiant tua uerba? Latino
Siue tono, Sancio ue cupis dicenda sonare,
Illo te Charites dulcem comitantur alumnus.
Seu Ciceronis opus, seu carmina dila Maronis
Enarras, nemo Ciceronem, nemo Maronem
Enarrare putat, Ciceronem ipsiunq; Maronem
Audit. utriunq; etenim sic exprimis ipse, poëta
Clarus, & orator. possis ut uterque uideri.
Sic cum Pæsithæa, dominans affectibus ore
Suada medulla tuo insedit. blandiq; lepôres.

Rescius ille tibi est, quo consultore quid unquam
 Non bene uerterunt diui? quid quaeso fefellit?
 Quæ tibi non spondes græcæ penitissima lingua?
 Nunc age te Solymæ capiunt oracula uatum
 Gentis? & à prima nascentis origine mundi
 Vis ueri responsa Dei? legemq; Dracone
 Contempto, ex ipso demissam queris olympos?
 Campensis tibi ductor adest, qui guttura formet,
 Terrentesq; sonos Latiam stridigine musam
 Insuetæq; domet lingua dumeta. Sed unum
 Qui uariare uices, modoq; hoc proferre, modo illo
 Ore sciat, gratæq; leuet nouitate laborem
 Phœbo addicta cohors uelles? triplici ore sonabit
 Nicoleos meus ille tibi Clenardus, & unus
 Nunc Pallatini ducet per numinis aras,
 Et formidatas, ut nil uereare, columnas.

Horat. in ar.

Nou dij, non Nunc Aganippæas, ac per Pipleidas undas.

homines, non
concessere co

luzare

Et, si forte uelis, tuga per Sionia. ad altam
 Vraniam raperis? te præstantissima patrum
 Suscipiet schola multorum, qui tramite certo
 Inconcussa Dei referent mysteria, quorum
 Nomina siquis auct me carmine pandere, montes
 Expediam citius, fluuios, fontesq; lacusq;
 Quotq; habuit populos olim Germania. caussas
 Vis agere? & ciueis concordie pace tenere?
 Iuraq; Pontificum? ueneranda caterua senatus
 Cæsaret, sacriq; sinus tibi pandet apertos.

Ne lon

Ne longum faciam, poteris concludere totam
Encyclopædiam. talem Louania præbet
Sese musa recens, talem Florentius ille
Quum iam iam triplici instaret circunnatus orbe
Fastigatus apex, coluit Hadrianus, honore
Quo, nimum dilecta deis academia, dum sol
Aureus ornabit cælum terrasq; iacenteis,
Semper erit celebris. Circum nunc aspice pubes
Vrbs quota quot sophiæ populis alimenta ministrat.
Hanc Menapi Rheno vicini, hanc Cimbrica pubes
Quæ leti horrorem bello casura leuabat
Carmine, & hanc flauum soliti torquere Sycambri
Crinen adeunt. olim late dominatus Eburo.
Et famæ Treuir maioris, quosq; mouebant
Classica, & in Martem rauco crepitantia cantu
Cornua, fleulgenæ bisido concluso Bathauri
Gens Rheno. atq; uagis complexi Tethyos undis
Arctoæ Morini ueniunt. frugalis & olim
Neruius & luxus contemptor, Centrones unâ
Quiq; olim Dryidæ fuerant crudelibus aris
Cædèq; Mercurium humana, taboq; Graduum
Fædantes, & quicquid agunt dii scire professi
Carminibus, fibrisque, illo sed tempore cæca
Plebs posita feritate modo sortita benignum

Condit, ad hanc tuuenes factō uelut agmine mittit.
Eia age cede deis, quo te Louania pubes
Fata uocant propera, contende per æquora remis,
Excute barbariem omnino, te sentiat orbis
Italus æqualem, Tuq; ò sancta ingeniorum
Cultrix, atq; parens, currentibus adiice calcar
Italia, impartensq; paris quo prima futuris
Sis quoq; temporibus uigila, retineq; fugaces
Musas, Germani allicite, allectasq; fouete.
Nam uelut infantes capiunt munuscula, & eius
Insidunt gremio, teneros qui mollius artus
Blanditiisq; fouet matoribus, osculaq; ultra
Pendientes collo admittunt, sic pulcher Apollo,
Sic Bromius, nymphaeq; sacrae Libetribos unda
Custodes, gaudent amplexibus, atq; frequenti
Augentur studio, facilesq; & sponte sequuntur
Quà deducantur. consultum deniq; rebus
Humanis fuerit, tunc quum certabitur hocce
In stadio cui nam concedant numina palmam.

Finis.

W

DE CONRADO NO-
bili Rhetore.

Praeterito sudor non unquam cognitus auro
Vastabat populos Belgica terra tuos.
Risurus medicos, sine nomine in intima grassans
Viscera, si sudor non magis pestis erat.
Pars Conradus erat turbae morientis, & illi
Torrebant pectus dira uenena sacrum.
Quicquid inest uitae ruptis arteria uentis
Dispulit, & sicco pectore membra fluunt.
Liquitur, ast animam dum iam moriturus agebat,
Concidit ante Iouem turba Cytheriadum.
Actum est omnipotens de musis, consulis ipse
Ni nostris studiis gloria nostra perit.
Iuppiter haec, uiuat tua gloria turba canora.
I, medice Asclepi, uade petita Salus.
Ac mea Conrado ferte haec mandata. superstes
Donaris musis, non tibi. uiue, doce.

IOAN. GRAPHEVS EX-
cudebat Antuerpiae, Anno





Ἡ ἀγάπη πάντα σέγει.